



TUSAGASSIORTUNUT NAJOQQTASSIAQ INATSISARTUT ATAATSIMIINNERI

Attaveqarfissaq

Inatsisartut sulinerat pillugu paassisutissanik assigisaannilluunniit tusagassiortut siammerterinerannut iluaqutaasinaasunik pissarsiniartoqartillugu tusagassiorfiit sukkulluunniit saaffiginnittarnissaat Allattoqarfimmiit kissaatigineqarpoq.

Saaffiginninnginnermili Inatsisartut nittartagaata [ina.gl](#)-ip alakkarneqartarnissaa siunnersuutigineqarpoq, tassanimi paassisutissat atortussallu attuumassutilit tamarmik tamanit takuneqarsinnaasumik saqqummiinneqartarmata.

Ataatsimiinnerit ammasut matoqqasullu

Inatsisartut ataatsimiinneri aallaavittut ammasuupput. Suleriaaserli naapertorlugu isumaqatigiinniarnerit aalajangersimasut matoqqasumik ingerlanneqartarput. Tassa isumaqatigiinniarnerit taakku tamanit tusagassiortunillu najuuffigineqarsinnaanngillat.

Tamatumani immikkut pineqarput siunnersuisoqatigiinnut ataatsimiitidianullu ilaasortassanik toqqaanerit.

Ataatsimiinnerup matoqqasup aallartilernerani ataatsimiinnermik aqutsisup ataatsimiinnerup matuneqalernera nalinginnaasumik nalunaarutigisarpaa.

Taamaattoqartillugu inuit najuuttut tusagassiortullu ataatsimiittarfik ingerlaannartumik qimassavaat.

Ataatsimiinnerit ulloq aallartiffiat
Ukiakkut ataatsimiinnerit septembarip qiteqqunnerani nalinginnaasumik aallartittarput, Inatsisartulli piffissamik allamik aalajangiisinnapput.

Upernaakkut ataatsimiinnerup aallartinnissaanut ukiumi pineqartumi poorskip qaqugukkut inissismanera nalinginnaasumik apeqquaasarpoq.



Oqaluuserisassat qaqgukkut takusinnaavagut?

Ataatsimiinnissamut atortussanik tunniussinissamut killiliussap qaangiunnerani Inatsisartut Allattoqarfia oqaluuserisassanut missingiummik Siulittaasoqarfimmut tunniussisarput.

Siunnersuuitit iluserisassaannut imarisassaannullu piumasaqaatit eqquutsinneqarsimanersut Siulittaasoqarfip immikkut nalilersugassaraa.

Ilusiliinissamut piumasaqaatit ilaatigut Inatsisartut suleriaasianni aammalu naalakkersuinikkut sulinermut aningaasatigut tapiissuteqartarneq pillugu inatsimmi allassimapput uanilu takuneqarsinnaallutik; [ina.
gl/ataatsimiinnerit](http://ina.gl/ataatsimiinnerit).

Ilusiliinissamut piumasaqaatit Inatsisartut aalajangiinissaminnut naammattumik assigiaartumillu tunngavissaqarnissaannik qulakkeerininnissaq pingarnertut siunertaraat.

Oqaluuserisassat piareeraangata nittartakkami tamanit takuneqarsinnaalerput,

tamannalu pillugu tusagassiorfinnut nalunaaruteqartoqartarluni.

Oqaluuserisassanik allannguinerit

Inatsisartut ataatsimiinnerini oqaluuserisassat ingerlaavartumik allanngortinneqartarput. Inatsisartut ataatsimiititaliaasa isumaliutissiusiaminnik naammassiniaallutik piffissamik annertunerusumik pisariaqartitsinerat imaluunniit pissutsit avataaneersut assersuutigalugu soqutigisaqaqatigiit paasissutissanik pingaarutilinnik nutaanik saqqummiinerat taamatut allanngortitsinermut ilaatigut pissutaasinnaasarpoq.

Oqaluuserisassanut nassuaat

Oqaluuserisassat allannguutaat Inatsisartut nittartagaatigut tamanut saqqummiunneqartarput oqaluuserisassanullu nassuaammi oqaatigineqartarlutik, taamatullu oqaluuserisassanut allannguutinut malinnaasinnaanermut iluaqutaallutik.

Uunga e-mailimut saaffiginnit toqarsinnaavoq:

arnja@ina.alla.gl

Uunga assilinera ilanngullugu:

inatsisartut@inatsisartut.gl